



DET KONGELIGE
KOMMUNAL- OG REGIONALDEPARTEMENT

Vik kommune
Postboks 134
6891 VIK I SOGN

Deres ref.

Vår ref.
13/708-14

Dato
30.07.2013

**Statsbudsjettet 2013 - Kap. 552, post 72 - Tilsegn om tilskot på inntil
2 000 000 kroner til Vik kommune, Velkomen til Vik – Bulyst 2013**

Tilsegningsnummer: 13242068

Vi viser til:

- Utlysing av bulystmidlar på www.regjeringa.no/bolyst
- Søknad frå Vik kommune

Kommunal- og regionaldepartementet (KRD) gir med dette tilskot på inntil 2 000 000 kroner til prosjektet Velkomen til Vik i Vik kommune. Dette er ei eingongsløyving for heile prosjektperioden. Prosjektet kan ikkje rekne med ytterlegare medfinansiering frå KRD.

Målet med bulystsatsinga

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Utvikling av attraktive regionar og sentra for folk og næringsliv er viktig for å nå distrikts- og regionalpolitiske mål. Dei 49 prosjekta som er valde har ulik innretting, ulike tema og stor geografisk spreiding. Dette viser breidda og variasjonen knytt til omgrepet bulyst. Vi er opptekne av at bulystsatsinga skapar læring, merksemd og engasjement rundt lokalt og regionalt utviklingsarbeid.

Departementet vil oppfordre fylkeskommunane til å ta ein rådgjevar- og støttespelarfunksjon for dei utviklingsprosjekta som no får støtte gjennom bulystsatsinga. Vi ser fylkeskommunane som ein heilt sentral nettverksbygger og

Postadresse

Kontoradresse

Saksbehandler

<http://www.krd.dep.no/> postmottak@krd.dep.no Sentral: 22 24 90 90

Org. nr. 972 417 858

regional tilretteleggjar for lokale prosjekt. Med utgangspunkt i fylkeskommunane si rolle som regionale utviklingsaktørar er det naturleg at dei tek støttespelarrolla for prosjekta. Vi ynskjer at fylkeskommunane inkluderer dei som har lokalt prosjektansvar for bulystprosjekta i sitt arbeid med lokal- og regional utvikling.

Kompetansesenteret for distriktutvikling (Distriktssenteret) har ei sentral rolle i arbeidet med bulyst, både når det gjeld kunnskapsbygging og formidling. Prosjektansvarlege bør òg bruke www.distriktssenteret.no. Det er ein viktig portal for å finne erfarings- og forskingsbasert kunnskap frå andre satsingar og prosjekt.

Vedlagt finn de ein rettleiar frå Norsk senter for bygdeforskning om lokal samfunnsutvikling. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf>. Vi har også lagt ved eit hefte frå Distriktssenteret som oppsummerer kunnskapen Distriktssenteret har om gode grep i lokalt utviklingsarbeid.

Erfaringsoverføring og læring er ein viktig del av bulystsatsinga. Representantar for prosjektet må difor vere villige til å delta i evalueringar og på eventuelle nettverkssamlingar for å presentere prosjektet og dele kunnskap. Kunnskapsdeling kan skje både mellom dei ulike pilotane, og frå pilotane til KRD og Distriktssenteret. Vi ynskjer at prosjekta skal vere synlege, både lokalt, regionalt og nasjonalt.

Mål for prosjektet Velkomen til Vik

Prosjektet er tufta på hovudutfordringa som er å snu ei negativ folketalsutvikling. I prosjektet skal kommunen arbeide med denne problemstillinga på to måtar; gjennom tiltak som styrkar bulyst og trivsel for dei som allereie bur i kommunen (og på den måte hindre fråflytting) og gjennom tiltak for ny tilflytting utanfrå.

Målet skal nåast gjennom dei to strategiane tilflytting og bygdeutvikling, og gjennom følgjande delmål/hovudfasar:

1. Å gjere Vik kommune og bygdene attraktive å bo i og å flytte til gjennom vidareutvikling og etablering av gode basistilbod/tenester for tilflyttarar.
2. Å tiltrekke seg nye innbyggjarar til kommunen og bygdene gjennom kontakt mot målgrupper og aktive tiltak for busetting.
4. Å arbeide for ein forbetring av infrastrukturen slik at innbyggerane i Vik kommune kan utvide sitt geografiske arbeidsområde

Prosjektet er sett saman av fire delprosjekt:

1. Tilrettelegging for bustad og folk i tomme hus
2. Etablere avtaler med bedrifter om tilbod om praksisplassar, språktrening o.l. for tilflyttarar
3. Verving, integrering og basistenester for tilflyttarar
4. Etablere av nettside som marknadsfører kommunen og bygdene

Prosjektet har særleg fokus på europeisk arbeidsinnvandring og integrering av flyktningar i kommunen. Innsatsen er mellom anna knytt til tilrettelegging av bustad , avtalar med bedrifter om praksisplassar, språktrening m.m.

Kostnadsoverslag

Prosjektet har eit totalbudsjett på 24 000 000 kroner. KRD gjev tilsegn om inntil 2 000 000 kroner over kap. 552, post 72 i 2013.

Følgjande budsjett ligg til grunn for tilskotet. KRD gjer merksam på at vårt tilskot gjeld fram til og med 2015:

Kostnadsplan						
Tittel	2013	2014	2015	2016	2017	SUM
01: Prosjektleiing	500 000	500 000	500 000	500 000	500 000	2 500 000
02: Kartlegging og avtalar om bustadar/tomter	50 000	100 000	100 000	50 000		300 000
03: Utvikling av modell for gj.gangsbustadar		500 000	500 000	500 000		1 500 000
04: Restaurering av gamle hus		500 000	500 000			1 000 000
05: Bygging av gjennomgangsbustadar		5 000 000	5 000 000	5 000 000		15 000 000
06: Bedriftsavtalar		200 000	200 000	100 000		500 000
07: Verving av tilflyttarar		100 000	100 000	100 000	100 000	400 000
08: Norskopplæring		250 000	250 000	250 000	250 000	1 000 000
09: Opplegg for velkomst	100 000	200 000	100 000			400 000
10: Treff for innflyttarar		100 000	100 000	100 000	100 000	400 000
11: Frivillig fadderordning	50 000	100 000	100 000			250 000
12: Etablere og drive kontakt tlf / rådg.steneste	50 000	125 000	75 000	75 000	75 000	400 000
13: Etablere og drive nettside	150 000	50 000	50 000	50 000	50 000	350 000
Sum kostnad	900 000	7 725 000	7 575 000	6 725 000	1 075 000	24 000 000

KRD gir eit tilskot som er noko mindre enn omsøkt beløp. Vi ber difor om at Vik kommune sender inn revidert budsjett eller ny finansieringsplan, i samband med stadfestinga av at tilskotet tas imot på dei vilkåra som er gitt. Frist for dette er 15.09.2013.

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av prosjektkostnadane. Sjå retningsliner for posten på www.regjeringen.no/krd/retningslinjer.

Høvet til EØS-regelverk

Kommunal- og regionaldepartementet har vurdert det slik at Vik kommune i denne sammenhengen ikkje driv med økonomisk aktivitet og at kommunen ikkje skal sjåast som eit føretak i EØS-avtalen sin forstand. EØS-avtalen sine reglar om offentleg stønad vert difor ikkje brukt på tilskotet.

Vi ber kommunen vere merksam på at dersom kommunen vidareformidlar heile eller delar av tilskotsbeløpet til andre aktørar må kommunen halde seg til reglane om offentleg stønad.

Kommunen bør også vere merksam på at dersom det vert gjort endringar i prosjektet vil dette kunne føre til at aktiviteten i prosjektet endrar karakter frå å vere ikkje-økonomisk til å være økonomisk. I slike høver vil reglane om offentleg stønad kunne kome til nytte.

Vilkår for utbetaling av midlar:

1. Vik kommune må innan 15. september 2013 stadfeste ovanfor departementet at det er aktuelt å gjennomføre prosjektet, og at tilskotet vert motteke på vilkåra i dette brevet. Prosjektarbeidet må ikkje settast i gang før den samla finansieringa er på plass. Tilbakemeldinga til departementet må òg innehalde opplysningar om kva kontonummer pengane skal overførast til.
2. Prosjektet kan gjere mindre omprioriteringar og justeringar dersom dette er gunstig for å nå måla i prosjektet. Større endringar, som medfører endringar i prosjektet sitt totale budsjett, må godkjennast av departementet.
3. Det skal førast spesifisert rekneskap for arbeidet. Rekneskapa skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskotet tilsvarande. Tilskotsmidlar som departementet har utbetalt kan òg bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
4. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskottsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskottsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlangar.

Rapportering og kontroll

Læring og erfaringsoverføring er eit sentralt mål for bulystsatsinga. Difor ber vi dykk leggje vekt på god rapportering av prosjektarbeidet, både undervegs og med ein eigen sluttrapport.

Alle prosjekt som får støtte skal sende inn ein årleg rapport til departementet. Denne skal innehalde omtale av aktivitetar og tiltak, og gjere greie for eventuelle justeringar av prosjektplanen, både når det gjeld framdrift og aktivitetar. Sjå vedlagde rapporteringsskjema.

Vi ber om at den første, årlege rapporten vert sendt til departementet seinast 24. april 2014. De finn eit eige rapporteringsskjema som skal nyttast til rapporteringa på www.regjeringen.no/bolyst. Papirkopi av skjemaet er òg lagt ved dette brevet.

Utbetaling

For å få midlar må prosjekteigar be KRD om å gjere ei utbetaling (utbetalingsoppmoding).

Utbetalinga blir som hovudregel gjort i tre omgangar.

1. Departementet *kan* utbetale inntil 25 pst. av tilskottet når prosjekteigar har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalt (etterskottsutbetaling). Dokumentasjon av utgifter bør følgje den årlege rapporteringa.
3. Den siste delen av tilskottet skal utbetalast når prosjektaktiviteten er fullført, og sluttrapport og eventuell revisorstadfesta rekneskap (sjå punkt 5) er sendt inn (etterskottsutbetaling).
4. Alle prosjekt skal levere sluttrapport og prosjektrekneskap.
5. I tillegg skal revisorstadfestande rekneskap leverast av:
 - a) Private tilskottsmottakarar som tek imot meir enn 100 000 kroner, jf. RS 800 Revisors uttale ved revisjonsoppdrag med spesielle føremål.
 - b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.
6. Tilskottet er gyldig i tilsagnsåret, og dei to påfylgjande åra. Prosjektet må vere avslutta slik at siste utbetaling frå departementet kan gjerast seinast innan utgangen av 2015. Utbetalingsoppmoding må sendast til departementet innan 1. desember 2015.
7. Prosjekteigar har ansvar på vegne av prosjektdeltakarane. Dette gjeld òg det finansielle ansvaret.

Ved kontakt med departementet om utbetaling må tilsegningsnummeret som står øvst i dette brevet nyttast. Ved utbetaling av midlar er dette nummeret gitt på utbetalingsblanketten.

Kommunal- og regionaldepartementet ber om at følgjande opplysningar blir sende til postmottak@krd.dep.no:

- Stadfesting på at prosjektet vert gjennomført og på at medfinansiering er på plass
- Revidert budsjett, finansierings- og framdriftsplan – innan 15. sept.
- Behov for eventuell førehandsutbetaling
- Kontonummer og oppmodingar om utbetalningar (sjå under "Utbetaling").

- Ved store endringar i prosjektet: Ny framdriftsplan
- Årleg rapport (innan 24. april kvart år)
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ynskjer dykk lykke til med prosjektet.

Med helsing

Eli Nygaard (e.f.)
fung. avdelingsdirektør

Anne Benedicte Akre
seniorrådgiver

Dette dokumentet er elektronisk godkjent og sendes uten signatur.

Vedlegg:

- Rettleiar i lokal samfunnsutvikling
- [Rapporteringsskjema for bulyst \(word\)](#)
- Lokalt utviklingsarbeid

Kopi:

Distriktssenteret - Kompetansesenter for distriktsutvikling	Ogndalsveien 2	7713	STEINKJER
Sogn og Fjordane fylkeskommune	Fylkeshuset	6863	LEIKANGER
Olsen, Kirsten Riksrevisjonen	Postboks 8130 Dep	0032	OSLO